

PĀNUI PĀPĀHO

He mea aukati tae ki te 10.30 o te ata
Rāhina 4 Here-turi-kōkā 2008

Pokapū Whakauru Kaipōti

HE TAKI HEI WHAKANUI AKE I TE NUINGA TAITAMARIKI KIWI KUA WHAKAURU KI TE PŌTI I TE PŌTITANGA WHĀNUI O 2008

Kei te takina tēnā, tēnā o ngā taitamariki me ngā whakahaere huri noa i Aotearoa ki te whakauru ki te pōti ētahi kaipōti e rima he 18 ki te 24 tau te pakeke, i waenga tētahi whiunga whakaurunga i Here-turi-kōkā, he mea arotahi ki te taiohi.

He tata ki te 110,000 ngā taiohi 18 ki te 24 tau te pakeke e māraurau ana ki te whakauru engari kāore anō – he rite tēnā ki te tapeke o ngā kaipōti māraurau i Kirikiriroa, ki te tapeke hui katoa rānei o ngā kaipōti māraurau i Rotorua, Tūranganui-a-Kiwa me Whakatū.

“E uaki ana mātou i tā mātou whiunga whakauru taiohi Karanga Atu i waenganui i Here-turi-kōkā kia whakaurua ngā taiohi katoa ka taea, kia whakakaha hoki rātou ki whakaputa i ō rātou whakaaro i te wā pōtitanga,” e kī ana a Murray Wicks, te Kaiwhakahaere ā-Motu o te Pokapū Whakauru Kaipōti (EEC).

Ko te wā tuatahi tēnei kua whakaurua e te EEC te tautokotanga o te kōtuinga pōrihanga ā-ipurangi a Bebo hei āwhina kia taea ai ngā taiohi o Aotearoa kia whakaurua rātou ki te pōti.

“Kua whakakotahi mātou me Bebo kia taea ai ngā taiohi mano tini e whakapā ana tētahi ki tētahi, ki te akiaki i a rātou kia ‘karanga atu’, kia whakauru, kia whakpuaki hoki i ō rātou whakaaro i tēnei pōtitanga,” e kī ana a Wicks.

Kei roto i te kōkiri Karanga Atu ko ētahi kaiwaiata, kaitapere, rōpū hapori, whakahaere, ētahi tāngata takitahi hoki hei paki i te rongo he mea ngāwari noa iho te whakauru me te pōti, otirā he mea whaitake hoki ki te hunga taitamariki.

“E hiahia ana mātou ki te tapoko ki ngā kōtuinga taitamariki huri noa i te motu kia whakaurua rātou,” e kī ana a Wicks. “Ko tōna tikanga ko te whakapā atu ki a rātou ā-ipurangi, mā roto i ngā hapori pērā i a Bebo, i te wāhi kei reira rātou e ako ana, e whakatā ana, i te hapori anō hoki, mā roto anō i ō rātou whānau me ētahi atu kōtuinga.”

“Hei tauira, e whakahaeretia ana e mātou he whakataetae i runga i a Bebo hei akiaki i ngā taitamariki ki te kōrero matanui, ki te whakauru hoki mā te hanga i tō

rātou ake pānuitanga Whakaata mō te whakauru me te pōti, he mea ka pōtitia, nā ka whakaaturia ki te hongere pūoro C4.”

Kua whakaputaina he rārangi pānuitanga huaketo e ngā ākonga e ako ana i te akoranga pānuitanga auaha i te AXIS Adschool (he kura Hoahoa Pāpāho) i Tāmaki-makau-rau, hei tīmata i te kōkiri Bebo.

Mahi ai te Pokapū Whakauru Kaipōti i ngā whakahaerenga, ngā mākete, ngā hokomaha, i ngā whare pikitia me ngā marae whare wānanga, i te taha i ngā whakahaerenga me ngā rōpū hāpori kia nui ake ngā taiohi ka whakaurua.

E whakakitea mai ana ngā tatauranga:

- O ngā taiohi tokowhā 18 ki te 24 tau te pakeke, kotahi tonu o rātou kāore anō kia whakauru
- 108,600 ngā taiohi 18 ki te 24 tau te pakeke kāore anō kia whakauru – he rawaka rawa tērā kia rua ngā kapinga katoa o Eden Park, he rite rānei ki te tapeke o ngā kaipōti māraurau i Kirikiriroa.
- He whā tekau ōrau o ngā tāngata katoa kāore anō kia whakauru ki te pōti, he 18 ki te 24 tau te pakeke.

Ahako e 302,000, e 75 ōrau rānei o te hunga 18 ki te 24 tau te pakeke kua whakaurua, nā ngā mahi kua oti o te kaupapa whakauru haere tonu, kei te hiahia he whakauaua tāpiri, arotahi hoki, kia whakarahia ake ēnei nuinga

He ngāwari noa iho te whakauru. E wātea ana ngā puka whakauru mā te waea ā-kōnui i tō ingoa me tō wāhi noho ki 3676, mā te haere ā-ipurangi rānei ki www.elections.org.nz, mā te haere ki tētahi Toa Poutāpeta, mā te waea rānei ki 0800 ENROL NOW (0800 36 76 56). Ka taea hoki e te tangata te tiroiro me te whakahou ā-ipurangi i ō rātou taipitopito kōrero mā te haere ki te paetukutuku.

E wātea ana ētahi atu pārongo mō te whakauru me te pōti i www.elections.org.nz, i www.ivotenz.org.nz rānei.

Ends

Mō ētahi atu pārongo whakapā atu ki a Murray Wicks, Kaiwhakahaere ā-Motu, te Pokapū Whakauru Kaipōti, waea (04) 801 0701, (027) 249 4508 rānei, ki a Anna Hughes rānei, Kaitohutohu Whakawhiti Kōrero, waea 027 28 28 827.